



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ein hundert Vnwarheytt/ Beneben Achtzehnen vnd mehrern
verfaelschungen der Schrifft/ vnd Viertzigen
vngeschickten Consequentzen So in den ersten sibben
kleinen Blettern/ von der halben Præfation ...**

Pistorius, Johann

Coelln, 1595

VD16 P 3043

XLVIII.

urn:nbn:de:hbz:466:1-32834

wetz als der Kinder Gottes vnd auß Gottes gütigkeit nicht auch zu der Seligkeit dienen/ vnd im Himm̄l iren verdienst haben mögen.

XXXVII.

Unwar ist/ das Werk/ so Gott in seinem beschribenem Wort nicht in specie befohlen vnd außdrucklich benandt/ nichts als zorn Gottes verdienen/ vnd wider Gott sein/ Dann Christi verbott (Matthai 15.) hieher nicht gehört/ wie du in der ersten verkehrung zulassen hast. So were auch solches vilen Heyligen vnd der heyligen Schrifft selbst zu grossen Spott reichen/ wie in der vierdten vnd fünfften Vngeschicklichkeit kürzlich außgeführt worden.

XXXVIII. vnd XXXIX. vnd XL. vnd XLI.
vnd XLII. vnd XLIII.

Falsch ist das der Catholischen Ablass/ Wallfart/ Münchleben/ u. lauter Sünd vnd menschliche Willkür vor Gott sein/ wie auch zum andern falsch ist/ das sie wider Gottes Wort/ vnd zum dritten/ das sie nicht in Gottes Wort fundiert/ vnd von den Aposteln herkommen seien/ davon du hernach die neunde verkehrung/ vnd die vierde vnd fünffte Vngeschicklichkeit lesen kanst/ Desgleichen ist zum vierdten vnwar/ das der Glaub alleyn auß dem beschribenem Wort Gottes komb/ dann sonst niemandt zur Apostel zeit da alleyn das gepredigt vnbeschriben Wort Gottes vom Euangelio Christi in vbung gewesen/ den Glaubē gehabt haben müffet/ wie auch zum fünfften vnwar/ das der Glaub auff das geschriben Wort sich alleyn fundier. Vnd zum sechsten vnwar das S. Paulus (Rom. 10.) vom Buchstaben der Schrifft oder dem beschribenen Wort redt/ welche sechs grobe tichtung Hunnius fol. 3. in vier Zeilen setzet.

XLIIII.

Erlogen ist das die Römisch Kirch im Articul vnser Gerechtigkeyt vnd ewigs Heyl belangend/ grob geirret vnd den grunde der Seligkeit gänzlich vmbkehrt/ vnd der Menschen Heyl auff Sandt

sandt gebawet/ Sondern wahr ist/ das aller grundt der Lutherischen sonderlich in diesem Articul auff lautter vnwissenheyt/ sand/ Gottlose Lutherische mutwill/ vnd ein stihende/ Kindische verkehrung der Schrifft eynig vnd alleyn besthet.

XXXV.

Vnwar ist/ das alle Lutherische lehren/ oder ihnen auch/ wann sie es schon sagen/ ernst sei/ das man soll vnd muß gute werck thun/ daß vom Hauptschwürmer dem Gottlosen Luther zusagen/ schreibe er das gegenspil in epistolis latinis ad Philippum Anno 21. fol. 355

„ Esto peccator (sagt er) pecca fortiter sed fortius fide & gaude
 „ in Christo &c. Deus non vult fictè peccatores sed verè pecca-
 „ tores &c. Sufficit quod agnouimus per diuitias gloriae Dei ag-
 „ num, qui tollit peccatum mundi. Ab hoc non auellet nos pec-
 „ catum, etiam si millies millies vno die fornicemur vel occida-
 „ mus. Auff teutsch/ sei eyn Sünder vnd sündige dapffer / aber noch
 „ stärker vertrau vnd freu dich in Christo 2c. Gott will nicht Sün-
 „ der die nicht rechte Sünder sein/ sondern will rechte Sünder haben/
 „ die rechte sündigen/ 2c. Es ist genug das wir durch das reichthumb
 „ der ehz Gottes erkent haben das Lamb/ das der Welt Sünde tregt/
 „ Von dem soll vns keyn Sünd hinweg reissen/ wann wir schon tau-
 „ sendt vnd aber tausendt mahl auff eyn tag Hürerei treiben vnd todts-
 „ schlagen/ Item Tom: 2. lat. in babylonica Lutheri captiuitate.
 „ Es kan eyn getauffter/ wan er schon wolt/ sein heyl nicht verlieren
 „ durch Sünd/ sie seien so groß sie wöllen / er wöll dann nicht glau-
 „ ben daß keyne sünd ihn verdammien könn/ als alleyn der vnglaub.
 „ Desgleichen Tom: 1. Germ: in der sermon von newem Te-
 „ stament Anno 20. fol. 339. Das ist der Glaub/ der eyn kurz ding ist
 „ vnd gehören keyn Gefas noch werck darzu/ Ja es schneidet ab alle
 „ Gefas vnd werck vnd erfülle alle Gefas vnd werck/ darinn so fleuß
 „ set auß ihm alle Gerechtigkeit/ dann so volkommen ist der Glaube/
 „ das er ohn alle andere mühe vnd Gefas macht alles/ was der Mensch
 „ thut vor Gott abngenerem vnd wolgethan / wie ich davon mehr ge-
 sagt